

NORMAS REGULADORAS PEL-REACTIVA: FONDO DE FINANCIAMENTO PARA A REACTIVACIÓN ECONÓMICA E SOCIAL DA PROVINCIA DA CORUÑA DESTINADO AOS CONCELLOS DE MENOS DE 50.000 HABITANTES (BOP Nº 128 do 12 de agosto de 2020)

#### PRAZO DE XUSTIFICACIÓN DAS SUBVENCIONS

**Norma 11.** Prazo de xustificación e pago das subvencións concedidas polos concellos. (Modificada por resolución nº 2020/38771 de data 26-11-2020; BOP nº 204 do 30-11-2020)

“O prazo de xustificación para os beneficiarios/as das subvencións concedidas polos concellos adheridos ao Fondo de Financiamento, será como data máxima, o 31 de marzo de 2021”.

**Norma 18.** Bases específicas reguladoras das axudas.

#### BASE 7.<sup>a</sup>.-CONCEPTOS DE GASTO SUBVENCIONABLE.

Terán a consideración de gastos subvencionables dentro desta liña, aquelas actividades que estean dentro dos seguintes conceptos de gasto:

CONTA	DESCRIPCIÓN DA CONTA
601	<b>Compra de material</b> Material antiséptico ou desinfectante, produtos hixiénicos e de limpeza
621	<b>Arrendamentos e canons</b> Arrendamentos de maquinaria, vehículos, locais ou instalacións* Gasto directo *O arrendamento do local de negocio ou instalacións, sempre e cando non sexa parte da vivenda da persoa solicitante ou espazo compartido con outra empresa e non exista relación de parentesco ata 2.º grao de consanguinidade ou afinidade co/a arrendador/a do local, nin sexa socio/a ou partícipe da persoa física ou xurídica que actúe como arrendador/a. Así mesmo, exclúense os espazos de coworking. *O renting de maquinaria, máquinas, vehículos, etc.
622	<b>Reparación e conservación</b> Adaptación de locais ás medidas de protección fronte á COVID-19 (biombos de protección, etc). Gasto directo
625	<b>Primas seguros</b> Seguros de responsabilidade civil, seguros de accidentes. Gasto directo
628	<b>Subministracións</b> Auga, gas, combustibles, electricidade. Gasto directo

**O IVE NON se considerará en ningún caso gasto subvencionable.**

#### BASE 8.<sup>a</sup>.- PERÍODO SUBVENCIONABLE.

**O período subvencionable abarcará dende o 1 de marzo de 2020 ata o 31 de decembro de 2020.**

#### BASE 12.<sup>a</sup>.-PRAZO DE XUSTIFICACIÓN.

Os beneficiarios da subvención deberán presentar a documentación xustificativa referida expresamente aos conceptos de gasto que lle foron subvencionados, como data máxima, o 31 de marzo de 2021.



Pontevedra



Deputación  
DA CORUÑA



#### BASE 13.<sup>a</sup>.-PAGO E XUSTIFICACIÓN DA SUBVENCIÓN.

O concello aboará o importe da subvención concedida logo da presentación dos xustificantes de gasto ou facturas electrónicas escaneadas, **efectivamente pagadas dentro do período subvencionable**, correspondentes aos gastos subvencionables determinados na base 7.<sup>a</sup>, ou documentos contables de valor probatorio equivalente. No caso de que as facturas non teñan os conceptos de gasto debidamente especificados, deberán entregar un documento aclaratorio do seu contido, que debe axustarse aos conceptos subvencionados ao amparo desta convocatoria.

O pago da subvención realizarase mediante transferencia bancaria á conta bancaria indicada pola entidade beneficiaria da subvención.

No caso de que o importe dos pagos xustificados sexa inferior ao concedido, a achega municipal reducirase ata o importe efectivamente xustificado.

#### BASE 14.<sup>a</sup>.- Obrigas dos/as beneficiarios/as das axudas.

10. Dar publicidade, nos termos establecidos na resolución de concesión, ao carácter público do financiamento da actividade realizada, figurando expresamente nun lugar visible do centro de traballo, logotipo do Concello, da Deputación e mención expresa ao Plan de Empleo Local da Deputación da Coruña. O mesmo tipo de publicidade realizarase nun lugar preferente da páxina web da empresa, de existir esta.

**Para facilitar o cumprimento desta obriga, achégase modelo de cartel coa publicidade institucional que deberá colocarse no local.**

#### BASE 16.<sup>a</sup>.-NORMATIVA DE APLICACIÓN.

Será de aplicación, entre outra, a normativa seguinte:

- Ordenanza xeral de subvencións do Concello de Pontevedra (BOP nº 142, do 21-06-2008)
- Ordenanza xeral de subvencións e transferencias da Deputación Provincial da Coruña.

#### BASE 18.<sup>a</sup>.-CONTROL FINANCEIRO.

O control financeiro das subvencións outorgadas, levarase a cabo polo control interno municipal de acordo coa normativa do concello. Para tal fin, o concello poderá solicitar a colaboración do control financeiro da Intervención provincial.

Este texto ten carácter meramente informativo. O texto oficial, auténtico é o publicado no BOP correspondente.